



UNIVERSITÄTS-  
BIBLIOTHEK  
PADERBORN

**Princeps Christiano-Politicus Septem donis Spiritus sancti  
instructus Anno M.DC.LVI.**

**Faust, Reinhard**

**Herbipoli, 1667**

Caput III. Pietatis Eversio.

---

---

**Nutzungsbedingungen**

[urn:nbn:de:hbz:466:1-55326](http://urn:nbn:de:hbz:466:1-55326)

ipso cum plete mājestaſ, ne in  
eorum numerū veniat, qui di-  
cunt in corde ſuo, non eſt Deus:  
ad omnēm pietatēm incumbat  
& oret: Dominus meus & Deus  
meus, Rex Regūm, & Dominus  
Dominantium, colam te Re-  
gem meum, & regni mei tuto-  
rem venerer in æternū.

---

## C A P U T III.

### *Pietatis Eversio.*

IN Deum Sanctosque, in om-  
nem proximi interitum capi-  
talissimus hōſtis, conjurata vi-  
tiorum turba, omnis iniquitatis  
farrago, internegio virtutum  
Principis impietas eſt, quæ hac  
tempeſtate Atheismus meritò  
vapu-

190 DISCURSUS VI.  
vapulat: Certissimum omnium  
virtutum excidium , omnis vi-  
tiositatis seminarium. O mil-  
rum reip. statum, qui hoc Deici-  
dio infamis est! O calamitolum  
Principem , qui ejusmodi mali-  
gnos fovet laterones! O deplo-  
randum , qui isthac peste coin-  
quinatus est! Dixit insipiens in  
corde suo, non est Deus: Stultus  
& impius corde & opere , non  
ore, ne lapidetur , sic loquitur.  
Nonne vides conseleratissime  
mortaliū , te jam tua hac per-  
versitate Dei omnipotentiam,  
scientiam, justitiam, misericor-  
diam abstulisse , atque ipsum  
Deum sua Deitate spoliasset?  
Non otiosus circa cardines cœli  
obambulat, sed cura ei est, post  
disper-

dispertita creaturis beneficia & officia, de omnibus atque singulis. Tonat, fulminat, accendit orbem, inundat orbem; time, venerare, supplica, aquis lachrymarū extingue iræ incendium, ardore amoris diluvium exicca; pietatis tuæ hoc hoc officium esto. Caveat Christianus Princeps, ne eò insaniæ dilabatur, ut vel ipse sic loqui, vel ore impudentissimo dementatus sic agere præsumat, quasi præter se suo in regno alium non credat Deum. Si Cæsar orbem terrestrem regit, non continuò à novis Enceladis Jupiter de cœlo præcipitandus est; non Sol affertur, licet emendicatis radiis sidera scintillent. Impius est,

Atheus

## 192 DISCURSUS VI.

Atheus est , qui licet ore aliud  
præ se ferat ; corde & opere  
Deum esse negat. Si suo in re-  
gno Princeps est eximius à sua  
populi lege, quis eum à lege Dei  
eximit ? Lex Dei observata &  
Principis , & subditi conservat  
statum & dignitatem: quicquid  
natura est, authorem Deum ha-  
bet, cuius legi , quicquid extra  
Deum est, subjicitur. Est fateor  
libertas regia, est regia potestas;  
verum divinæ legi subjacent  
uniuersa. Lege Dei stat mun-  
dus , circumvolvit cœlum,  
crescunt & decrescunt sua vicil-  
litudine tempora, sidera, omnia.  
Urit ignis, movetur aër , vege-  
tantur frutices, sentiunt bruta,  
intelligunt homines , sapiunt  
ange-

angeli : ad Deinutum , ab ejus auxilio, ad finem præfixum. Caftigat ipse errores , frenat excessus in toto naturæ ordine , omnium ortus & occasus suo constringit domitatu. Quicunque igitur à magnitudine sua , à sceptro suo vel negat Deum , vel dissimulat , legesque ejus contemnendi licentiam rapit , ad gentilitatis errores spectat ; qui cunque Imperium humanum solâ fictione & adulatio[n]e distinguit , ad impietatis abyssum , ad Atheismum pervenit. Ecce Christiano Principi , qui , ut Christi jura tueatur , honoris & opus amplitudinem accepit , tanta impietas concedatur ? Impietas Nimrodi , Chami impudentia ,

194 DISCVRSVS VI.  
dentia , Sichemi impudicitia,  
Pharaonis tyrannis , Saulis de-  
spectus , Manassis abominatio-  
nes divinam Nemesin senle-  
runt : Dux impiorum impius  
Phassur , impius Alchimus , &  
sexcenti alii impietate infames,  
pœnas dederunt, coram cœlo &  
terra experti, quem spreverunt  
suæ impietatis vindicem, justitiæ  
executorem Deum. Advertite  
Principum , qui perire volunt,  
initia. Radix totius ruinæ impie-  
tas est, totius impietatis fons &  
scaturigo Atheismus est. Ex hoc  
fluit pietatis simulatio , justitiae  
prætextus, impunitas scelerum,  
hæresis, ejusque conniventia, ut  
religionem & sacerdotium, qua  
melior mæjstatis portio est, se-  
curior.

curiorque rebus in adversis assi-  
stentia, occultis machinis con-  
cutiat, Principem erudit & in-  
cendit Atheismus. Hac in Deū  
hominesque perfidiæ contagio-  
ne infectus magistratus Eccle-  
sias affigit, divini ministerii ædi-  
timos despicit, ignaros, elatos &  
implos sacris cathedris rectores  
præponit, ut paulatim & passim  
cultum divinorum converti vi-  
deas in luxum impiorum.

---

## CAPUT IV.

### *Pietatis neglectæ Effectus.*

FUERE olim Reges populi, Re-  
ligionis quoque Principes; &  
sanè etiamnum regiæ artis opti-  
mum instrumentum religio est,